

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo trgovine, turizma i saobraćaja

Broj: 05/1-23-017053-9/25
Tuzla, 12.06.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), tačke V Programa o utrošku namjenskih sredstava uplaćenih na osnovu naknada za obavljene tehničke preglede vozila za 2025. godinu – vrsta prihoda 722424, broj 02/1-23-3625/25 od 19.02.2025. godine i člana 11. Odluke o utvrđivanju uslova i kriterija, načinu i postupku raspodjele namjenskih sredstava prikupljenih po osnovu naknade za obavljene tehničke preglede vozila („Službene novine Tuzlanskog kantona, broj 6/25), ministar trgovine, turizma i saobraćaja d o n o s i

ODLUKU
o utvrđivanju konačne liste o odobravanju finansijskih sredstava
korisnicima sa iznosima i namjenom

I

Odobrava se isplata finansijskih sredstava neprofitnim organizacijama koje imaju sjedište, obavljaju djelatnost i implementiraju projekte na području Tuzlanskog kantona, a koje su kandidovale projekte iz oblasti saobraćaja i saobraćajne kulture po Javnom pozivu za predlaganje projekata iz oblasti saobraćaja i saobraćajne kulture koji je objavljen na web stranici Vlade Tuzlanskog kantona i Ministarstva trgovine, turizma i saobraćaja (u daljnjem tekstu: Ministarstvo) 28.03.2025. godine u iznosu od 39.700,00 KM, kako slijedi:

Redni broj	Naziv neprofitne organizacije (korisnika sredstava)	Naziv projekta (namjena sredstava)	Iznos sredstava
1	Ekološki savez „Eko-zeleni Tuzlanskog kantona“, Tuzla	Ekološka edukacija mladih i vozača motornih vozila o saobraćajnoj kulturi – Kako smanjiti emisije štetnih plinova u zajednici	2.300,00
2	Ekološki pokret – pokret zeleni – „Eko zeleni“ Tuzla	Edukacija djece marginalnih grupa u saobraćaju i saobraćajnoj kulturi	900,00
3	Vijeće mladih općine Teočak	Siguran točak – edukacija i moto susreti za mlade vozače	1.700,00
4	Udruga mladih Drijenča, Čelić	Vozimo sigurno do Drijenče	2.400,00
5	Udruženje građana „Human“, Tuzla	Saobraćajni junaci	2.000,00
6	Crveni križ/krst Grada Tuzla	Bezbjedni na biciklu – uči prvu pomoć i zaštititi sebe u saobraćaju	1.300,00
7	UG „JOŠAK“ Piskavica, Gračanica	Postavljanje zaštitne ograde „Hajčevac krivina“ i „Čorića brdo krivina“	1.500,00

8	Udruženje za kulturu „CULT B“, Banovići	Neka saobraćajna pravila postanu tvoja super moć	1.900,00
9	„Biciklistički klub“, Tuzla	Tuzlanska biciklijada	2.200,00
10	Udruga mladih Par Selo - Dubrave	Siguran put za sve nas	2.000,00
11	Udruženje građana „Alfa“, Tojšići	Bez auta do zdravlja i čišće okoline	1.700,00
12	Udruženje mladih „Rebuff“, Čelić	Sigurno na putu – Učenje kroz igru i kreativnost	2.500,00
13	Udruženje vozača i automehaničara Grada Tuzla	Defile transportnih sredstava	1.300,00
14	Udruženje građana „Može bolje“, Kalesija	Sigurnost počine edukacijom	1.600,00
15	Auto „4x4 club“, Sarajevo	Brdska autotrka „Tuzla 2025“	2.200,00
16	„Biciklistički klub Konjuh“, Banovići	Banovička biciklijada	1.000,00
17	Udruženje „LIBERO“, Donje Vukovije	„STOP and GO“	1.900,00
18	Udruženje „EKOSOLAR“, Tuzla	Zaštita okoliša kroz saobraćaj	1.200,00
19	Udruženje „BRASEK“, Tuzla	Navika je moć!	1.500,00
20	Asocijacija „MB Live“, Brijesnica Mala, Doboj Istok	Poštovanje saobraćaja postavljanjem vertikalne signalizacije	2.100,00
21	„Planinarsko društvo Kalesija“, Kalesija	Svjetski dan bez automobila	1.000,00
22	„Biciklistički klub Kalesija“, Kalesija	Bicikliraj za bolje sutra	1.900,00
23	Moto klub "Zmaj 1974", Gradačac	Obrati pažnju i nauči	1.600,00
UKUPNO:			39.700.00

II

Sredstva iz člana I ove odluke realizovat će se sa potrošačke jedinice 22010001, namjenska sredstva Ministarstva, ekonomski kod 614300- tekući transferi neprofitnim organizacijama (funkcija 0451).

III

(1) Međusobna prava i obaveze između Ministarstva i korisnika sredstava bit će regulisani posebnim ugovorom.

(2) U roku od 15 dana od dana donošenja ove odluke, Ministarstvo će zaključiti ugovore sa neprofitnim organizacijama (aplikantima), kojim će regulisati međusobna prava, obaveze i odgovornosti.

(3) Prilikom potpisivanja ugovora aplikanti su dužni dostaviti karton deponovanih potpisa od banke sa kojom imaju potpisan ugovor.

IV

Za realizaciju ove odluke zadužuje se Ministarstvo finansija, koje će odobrena sredstva iz tačke I ove odluke prebaciti na račun korisnika sredstava, nakon što Ministarstvo dostavi zahtjev za plaćanje.


V

Odluka stupa na snagu danom donošenja i bit će objavljena na web stranici Vlade Tuzlanskog kantona i Ministarstva.

Dostaviti:

1 x Web stranica Vlade TK i Ministarstva

1 x a/a



MINISTAR

Almir Zilić, dipl.ecc

OBRAZLOŽENJE

Članom 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05) propisano je ovlaštenje ministra u rukovođenju ministarstvom.

Tačkom V Programa o utrošku namjenskih sredstava uplaćenih na osnovu naknada za obavljene tehničke preglede vozila za 2025. godinu – vrsta prihoda 722424, broj broj 02/1-23-3625/25 od 19.02.2025. godine, regulisano je da će se sredstva raspoređivati u skladu sa odlukom o uslovima, kriterijima i postupku raspodjele sredstava koju donosi Vlada Kantona na prijedlog Ministarstva, po postupku javnog oglašavanja. Na osnovu donesenih kriterija, a nakon provedenog postupka, Ministarstvo donosi odluku o odobravanju finansijskih sredstava korisnicima sa iznosima i namjenom.

Odlukom o utvrđivanju uslova i kriterija, načinu i postupku raspodjele namjenskih sredstava prikupljenih po osnovu naknade za obavljene tehničke preglede vozila („Službene novine Tuzlanskog kantona, broj 6/25), utvrđeni su uslovi, kriteriji, način i postupak dodjele namjenskih sredstava za sufinansiranje projekata iz oblasti saobraćaja i saobraćajne kulture u iznosu od 40.000,00 KM. Na osnovu navedene Odluke Vlade Tuzlanskog kantona, Ministarstvo je raspisalo Javni pozivu za predlaganje projekata iz oblasti saobraćaja i saobraćajne kulture u iznosu od 40.000,00 KM, koji je 28.03.2025. godine objavljen na web stranici Vlade Tuzlanskog kantona i Ministarstva.

Postupajući u skladu sa članom 4. Odluke, Ministar je donio Rješenje, broj 05/1-23-017053/25 od 28.04.2025. godine, kojim je imenovana Komisija za ocjenu prispjelih prijava po Javnom pozivu, sa zadatkom da utvrdi prijedlog Pravilnika o utvrđivanju uslova, kriterija, načina bodovanja i rangiranja u postupku raspodjele namjenskih sredstava prikupljenih po osnovu naknade za obavljene tehničke preglede vozila, koji donosi Ministar, razmotri prispjele prijave po Javnom pozivu, utvrdi da li su ispunjeni kriteriji utvrđeni Odlukom, izvrši bodovanje i sačini preliminarnu listu sa nazivom neprofitne organizacije, nazivom projekta i predloženim iznosom sredstava, dostavi na objavu na web stranicu Vlade Tuzlanskog kantona i Ministarstva preliminarnu listu projekata sa nazivom udruženja, nazivom projekta i predloženim iznosima sredstava i nakon isteka roka za prigovor od 5 dana te rješavanja prigovora od strane Ministra, da sačini prijedlog Odluke o utvrđivanju konačne liste o odobravanju finansijskih sredstava korisnicima sa iznosima i namjenom.

Nakon što je Komisija izvršila sve zadatke utvrđene Rješenjem o imenovanju Komisije, sačinjena je Preliminarna lista projekata po javnom pozivu iz oblasti saobraćaja i saobraćajne kulture, broj 05/1-23-017053-6/25 od 30.05.2025. godine sa listom aplikanata čije su prijave neblagovremene, nepotpune i neosnovane. Preliminarna lista je objavljena na web stranici Vlade Tuzlanskog kantona i Ministarstva 30.05.2025. godine, a aplikanti (neprofitne organizacije) su imali pravo da u roku od pet dana od dana objavljivanja Preliminarne liste, Ministarstvu dostave prigovore na objavljenu listu. Na objavljenu Preliminarnu listu nije zaprimljen niti jedan prigovor.

Komisija je pristupila izradi prijedloga Odluke o korisnicima, iznosima i namjeni sredstava (konačne liste) koju dostavljamo ministru na dalje postupanje.

Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom. Konačna lista se objavljuje na web stranici Vlade Tuzlanskog kantona i Ministarstva.

Ministarstvo trgovine, turizma i saobraćaja TK